

AI lectur!

Objektyp: **Preface**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **4 (1930)**

PDF erstellt am: **20.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Al lector!

„Vinavon, adina meglier e meglier“, ei stau nossa parola cura che nus havein tarmess ora gl'onn vargau „Il Glogn“ per la tiara entuorn. Nus havein tier quella caschun mess leu la fin e mira, che nus havein cul calender, numnadamein de far attents nies pievel romontsch sin siu agen, sinaquei che quel emprendi de respectar il siu, suenter il principi: Aulza tiu agen, sche aulza quel era tei! Quella parola vegnin nus a tener sidretg era da cheu naven. Per che nossa fin e mira sappi reussir, punctuein nus aunc inaga, ch'il Glogn ei patertgaus sco annalas per la historia, cultura e litteratura romontscha. Cun sedar breigia ed esser perseveronts vegnin nus senza fallir a contonscher nossa fin e mira.

Gia cun quest'annada havein nus la gronda legria e satisfaziun de saver registrar in veseivel progress. Quel consista enten quei, che nus havein anflau entusiasmai umens giuvens per nossa interpresa, ils quals han cun grond plascher dedicau lur forzas e capacitads all'idea dil „Glogn“ e che vegan era da cheudenvi a star fideivels a quel.

Per vegnir tier nies intent, vegnin nus pia onn per onn a publicar en emprema lingia ina novella ni historietta originala. Lu in artechel ord l'istoria de nossa tiara; nus vegnin principalmeyn a tractar cul temps nossas baselgias e capluttas, lur historia, stil ed art. Cull'annada 1931 vegnin nus era a publicar sistematicamein, onn per onn in capetel suenter l'auter ord l'istoria della litteratura romontscha, naven dall'entschatta entochen tier ils sribents ded oz. Era arisguard la cultura romontscha havein nus material e forzas avunda e savein pia haver tutta speranza de porscher era sin quei territori enzatgei en uorden. Mo nus lein calar cun plaids ed empermischuns e mussar entras il fatg, che nus essen detschartamein seresolvi de luvrar seriusamein pigl agen, cun sedar tutta breigia de porscher il meglier a nies pievel romontsch.

Quei detti Dieus!